

Univerzitet u Sarajevu



University of Sarajevo

Studijski program

Interdisciplinarni stručni studij za pružanje administrativnih i gerontoloških usluga

Centar za interdisciplinarnе studije Univerziteta u Sarajevu –
prof. dr. Zdravko Grebo (CIS)

Univerzitet u Sarajevu



University of Sarajevo

Studijski program: Interdisciplinarni stručni studij za pružanje administrativnih i gerontoloških usluga

IZDAVAČ:

Centar za interdisciplinarnе studije Univerziteta u Sarajevu – Prof. dr. Zdravko Grebo, Zmaja od Bosne 8, Sarajevo

UREDNICI:

Centar za interdisciplinarnе studije Univerziteta u Sarajevu – Prof. dr. Zdravko Grebo, 2024.



Sadržaj

Opći dio.....	4
Naziv programa	4
Interdisciplinarni stručni studij za pružanje administrativnih i gerontoloških.....	4
Tip programa	4
Nivo programa.....	4
Opći cilj studija:	4
Nosilac programa	4
Naučna/umjetnička polja kojima pripada predloženi studijski program.....	4
Organizacija i trajanje studijskog programa.....	4
Minimalan broj ECTS bodova potrebnih za završetak studija.....	5
Jezik na kojem se izvodi studijski program	5
Selekcijski postupci za upis na studijski program.....	5
Kvalifikacije koje se stiču po okončanju programa	6
Analiza mogućnosti zapošljavanja studenata po završetku studijskog programa.....	6
Prohodnost studija.....	6
Skala bodovanja i ocjenjivanja.....	6
Osiguranje kvaliteta.....	6
OPIS PROGRAMA	7
Ishodi učenja na nivou studijskog programa.....	7
Struktura studija i uslovi upisa u sljedeći semestar.....	9
Popis ili uslovi izbora predmeta koje student može izabrati s drugih studijskih programa ...	9
Informacije o načinu završetka studija.....	9



1. Opći dio

1.1. Naziv programa

Interdisciplinarni stručni studij za pružanje administrativnih i gerontoloških usluga

1.2. Tip programa

Univerzitetski program

1.3. Nivo programa

Stručni studij

1.4. Opći cilj studija:

Osiguranje pristupačnog visokoškolskog obrazovanja za sve zainteresirane kandidate/kandidatkinje koji ispunjavaju uvjete, uključujući osobe s intelektualnim teškoćama. Naglasak je na razvijanju i unapređenju akademskih, životnih i radnih kompetencija koje su potrebne za cjeloživotno učenje i povećanje zapošljivosti s krajnjim ciljem unapređenja kvalitete života.

1.5. Nosilac programa

Nosilac studija je Univerzitet u Sarajevu koji povjerava organizaciju Centru za interdisciplinarnu studije prof.dr. Zdravko Grebo (realizator stručnog studija je Ured za podršku studentima Univerziteta u Sarajevu), a izvođenje studija nastavnicima i saradnicima sa Fakulteta zdravstvenih studija, Fakulteta za javnu upravu, Filozofskog fakulteta, Akademije scenskih umjetnosti i drugih organizacionih jedinica, stručnjacima iz prakse i drugim partnerskim institucijama i organizacijama iz Bosne i Hercegovine.

1.6. Naučna/umjetnička polja kojima pripada predloženi studijski program

Interdisciplinarni stručni studij za pružanje administrativnih i gerontoloških usluga kombinira naučna polja više nauka (društvene nauke, medicinske nauke, humanističke nauke i umjetničke nauke), te su izbori u zvanja na naučnim oblastima/poljima/granama nosilaca predmeta sa članica Univerziteta u Sarajevu u skladu s tim.

1.7. Organizacija i trajanje studijskog programa

Stručni studij se izvodi u trajanju od dvije godine (četiri semestra) sa ukupno 120 ECTS bodova.

Stručni studij realizira se u trajanju od četiri semestra, odnosno dvije godine. Program se sastoji od obaveznih predmeta, izbornih predmeta i prakse. Obavezni predmeti su: Komunikacijske vještine 1 i 2, Engleski jezik, Digitalna pismenost, Lični razvoj, Profesionalni razvoj i radni odnosi i Poduzetničke vještine i aktivno traženje posla.



1.8. Minimalan broj ECTS bodova potrebnih za završetak studija

U primjeni Evropskog sistema prijenosa bodova (ECTS) u prijedlogu programa polazi se od dogovora, prihvaćenog u čitavom evropskom prostoru visokog obrazovanja, da rad potreban za savladavanje jedne akademske godine studija iznosi 60 ECTS

Stručni studij se izvodi u trajanju od dvije godine (četiri semestra) sa ukupno 120 ECTS boda. Broj studijskih bodova za pojedini predmet određuje se prema ukupnom opterećenju studenta (teorijska i/ili praktična nastava, vježbe, seminari i sl.), vremenu rada studenta na samostalnim zadacima (domaći zadaci, projekti, seminarski radovi,...) i vremenu za učenje prilikom pripreme za provjeru znanja (testovi, završni ispit). Studenti trebaju završiti studij u roku od tri godine. Prema kandidatu/kandidatkinji koji ne završi studij u datom roku postupa se u skladu sa Zakonom navedenim smjernicama.

1.9. Jezik na kojem se izvodi studijski program

Nastava se izvodi na bosanskom/hrvatskom/srpskom jeziku.

1.10. Seleksijski postupci za upis na studijski program

Status studenta stiče se upisom na stručni studij *Interdisciplinarni stručni studij za pružanje administrativnih i gerontoloških usluga*. Upis se vrši na osnovu javnog konkursa koji objavljuje Univerzitet, o čemu odluku donosi Senat Univerziteta. Upis u prvu studijsku godinu vrši se u skladu sa Zakonom, Statutom, važećim pravilima i na osnovu konačnih rezultata javnog konkursa.

Optimalan broj studenata koji mogu upisati studij je 10 studenata, odnosno odluku o konačnom broju donosi Vijeće CIS-a.

Pravo upisa na stručni studij imaju kandidati koji imaju:

- završenu srednju četverogodišnju školu,
- opći uspjeh u srednjem obrazovanju,
- državljanstvo BiH,
- položen prijemni ispit (pokazan nivo razvijenosti funkcionalne pismenosti, samostalnosti i intervju).

Kandidati/kandidatkinje stiču pravo upisa u odnosu na osvojene bodove do visine upisne kvote.

Preliminarnu rang-listu svih primljenih i prijavljenih kandidata CIS će objaviti na web-stranici i oglasnoj ploči nakon što je verificira nadležno tijelo najkasnije deset (10) dana nakon isteka roka za podnošenje prijave na konkurs. Na rang-listu primljenih kandidata, kandidati imaju pravo prigovora u roku od tri dana od dana objave navedene liste. Na prigovor, nadležno tijelo Centra za interdisciplinarnu studiju Univerziteta u Sarajevu – Prof. dr. Zdravko Grebo obavezno je donijeti odluku u roku od tri dana. Odluka Vijeća Centra je konačna (Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, član 7.). Komisija za upis konačni izvještaj o rezultatima upisa studenata dostavlja Vijeću Centra koje usvaja konačnu rang-listu.



1.11. Kvalifikacije koje se stiču po okončanju programa

Student nakon položenih svih ispita predviđenih Nastavnim planom i programom i odbranom završnog rada, odnosno ostvarivanjem ukupno predviđenog broja ECTS-a i nakon završetka studija, stiče stručni naziv: Stručni saradnik/Stručna saradnica – Gerontološki suportivni njegovatelj/njegovateljica ili Stručni saradnik/Stručna saradnica – Asistent/Asistentica u administraciji, u skladu sa biranim izbornim predmetima.

1.12. Analiza mogućnosti zapošljavanja studenata po završetku studijskog programa

Na osnovu navedenih i obrazloženih razloga za pokretanje stručnog studija, uz naglašavanje zakonske obaveze poslodavaca u Federaciji Bosne i Hercegovine da na svakih 16 uposlenika zaposle jednu osobu s invaliditetom (Zakon o profesionalnoj rehabilitaciji, osposobljavanju i upošljavanju osoba s invaliditetom), potrebe u odabranim izbornim oblastima i individualizacije prilikom realizacije programa, vidljive su mogućnosti zapošljavanja studenata nakon završetka ovog studijskog programa.

1.13. Prohodnost studija

Stručni studij nudi prohodnost na I ciklus studija, s mogućnošću da se pojedini položeni nastavni predmeti mogu priznati nakon uvida u silabuse.

1.14. Skala bodovanja i ocjenjivanja

U svakom pojedinačnom silabusu nastavnog predmeta je navedena skala bodovanja i ocjenjivanja u skladu sa ciljem i ishodom tog predmeta. Nivo usvojenosti kompetencija na kraju završenog nastavnog predmeta izražava se opisno i na skali od 5 do 10. Prelazak iz jednog semestra u drugi i iz I godine u II godinu nije uvjetovan završavanjem svih obaveza iz prethodnog semestra/godine.

1.15. Osiguranje kvaliteta

Kvalitet i uspješnost studija će biti praćena internim i eksternim posmatranjem i ocjenjivanjem od strane zvanične komisije i studenata.



2. OPIS PROGRAMA

2.1. Ishodi učenja na nivou studijskog programa

S obzirom na navedene opće i specifične ciljeve i predmete, očekivani ishodi učenja na nivou programa prate Osnove kvalifikacijskog okvira u Bosni i Hercegovini, a uključuju da će student/studentica po završetku stručnog studija moći:

Znanje:

- Opisati radno mjesto uključujući elemente zaštite na radu.
- Opisati predstavljene načine traženja posla.
- Prikazati primjer pisane i digitalne komunikacije.

Vještine:

- Upotrijebiti osnovna ICT znanja u konkretnoj situaciji.
- Primijeniti alate uspješne komunikacije u svakodnevnom i profesionalnom okruženju.
- Primijeniti osnovnu terminologiju na engleskom jeziku odabrane iz oblasti.
- Komunicirati na engleskom jeziku o različitim temama.
- Napisati CV prema ponuđenom obrascu u elektronskoj formi.
- Napisati motivaciono pismo prema uputama u elektronskoj formi.
- Demonstrirati komunikacijske obrasce u profesionalnim okolnostima.

Kompetencije (profesionalne vrijednosti i lična odgovornost):

- Modificirati vlastite navike bavljenja tjelesnom aktivnošću.
- Slijediti upute o kontroli ponašanja u svakodnevnim aktivnostima.
- Primijeniti osnovne procedure i pravila u okviru poslova u odabranoj oblasti.
- Upravljeti vremenom i aktivnostima koje trebaju realizirati u određenom roku.

Detaljniji ishodi učenja su navedeni u programima.

Nastavni plan studija- Interdisciplinarni stručni studij za pružanje administrativnih i gerontoloških usluga

Godina/ semestar	Naziv predmeta	Status predmeta	ECTS	Sati P+V
1/I				
1.	Komunikacijske vještine 1	obavezan	10	30
2.	Digitalna pismenost	obavezan	10	30
3.	Engleski jezik	obavezan	10	30



Ukupno			30	90
1/II				
1.	Lični razvoj	obavezan	10	60
2.	Komunikacijske vještine 2	obavezan	10	15
3.	Praksa	obavezan	10	15
Ukupno			30	90
2/I				
1.	Profesionalni razvoj i radni odnosi	obavezan	10	30
2.	Izborni predmet	izborni	10	45
3.	Praksa	obavezan	10	45
Ukupno			30	120
2/2				
1.	Poduzetničke vještine i aktivno traženje posla	obavezan	10	30
2.	Izborni predmet	izborni	10	45
3.	Praksa sa završnim projektom	obavezan	10	45
Ukupno			30	120
Ukupno			120	420

Red.br.	Izborni predmeti - lista	Sem	ECTS	Sati P+V
1.	Komuniciranje u upravi	III	10	45
2.	Poslovi u oblasti brige o osobama treće životne dobi I			
3.	Kancelarijsko poslovanje i arhivistika	IV	10	45
4.	Poslovi u oblasti brige o osobama treće životne dobi II			



2.2. Struktura studija i uslovi upisa u sljedeći semestar

U primjeni Evropskog sistema prijenosa bodova (ECTS) u prijedlogu programa polazi se od dogovora, prihvaćenog u čitavom evropskom prostoru visokog obrazovanja, da rad potreban za savladavanje jedne akademske godine studija iznosi 60 ECTS bodova. Stručni studij realizira se u trajanju od četiri semestra, odnosno dvije godine. Program se sastoji od obaveznih predmeta, izbornih predmeta i prakse. Obavezni predmeti su: Komunikacijske vještine 1 i 2, Engleski jezik, Digitalna pismenost, Lični razvoj, Profesionalni razvoj i radni odnosi i Poduzetničke vještine i aktivno traženje posla. Svaki predmet će se realizirati na temelju relevantnih tematskih oblasti. Uvjeta za upis u naredni semestar nema.

Struktura programa:

Red.br.	SEMESTAR	BROJ OBAVEZNIH PREDMETA	BROJ IZBORNIH PREDMETA	ECTS
1.	Prvi (I) semestar	Tri predmeta	-	30
2.	Drugi (II) semestar	Tri predmeta	-	30
3.	Treći (III) semestar	Dva predmeta	Jedan predmet	30
4.	Četvrti (IV) semestar	Dva predmeta	Jedan predmet	30
5.	ČETIRI SEMESTRA	DESET PREDMETA	DVA PREDMETA	120

Praksa je obavezan predmet u drugom (II), trećem (III) i četvrtom (IV) semestru, s tim da se u četvrtom (IV) semestru realizira Praksa sa završnim projektom.

2.3. Popis ili uslovi izbora predmeta koje student može izabrati s drugih studijskih programa

Student ne može izabrati predmet (obavezni ili izborni) sa drugog studijskog programa budući da se ishodi učenja ovog studijskog programa u tom slučaju ne mogu realizirati.

2.4. Informacije o načinu završetka studija

U četvrtom semestru student priprema i realizira završni pojeekat uz mentorsko vođenje tokom prakse, te se tema odnosi na predstavljanje aktivnosti koje se realiziraju tokom prakse. O temi projekta student se, najkasnije u zadnjoj sedmici trećeg semestra, dogovara sa mentorom. Tema završnog projekta je povezana sa izbornim predmetom iz trećeg i četvrtog semestra, te se na osnovu toga bira mjesto za realizaciju prakse u četvrtom semestru. Završni pojeekat se procjenjuje kao položen/nije položen. Predajom i pozitivnom procjenom završnog projekta od strane mentora, student završava pohađanje programa i stiče pravo na diplomu sa dodatkom o završenom stručnom studiju.

Na druga pitanja u vezi sa organizacijom nastave i studija - prava i obaveze studenta, prijave na konkurs i upis na studij - koja nisu regulisana ovim pravilima, primjenjivat će se Zakon, Statut i Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu.